

Malitassat immikkut ittut naapertorlugit “Ungasianiit atuisut” attavilerneqarnerini malittarisassat

Atuuffia:

Malittarisassat uku TELE Greenland A/S-imi malitassat immikkut ittut naapertorlugit “Ungasianiit atuisut” atuisunngortinnerini atorneqassapput:

Nunaateqarfinnut avinngarusimasuniittunut pilersuisussaataitanermi malitassat immikkut ittut

1. Malitassat immikkut ittut annertussusaat

Malitassat immikkut ittut uku “Ungasianiit atuisunut malitassat”-nut ilassutaapput, aammalu “nunaateqarfinnut avinngarusimasuniittut”-nut atuullutik, tak. matuma kinguliani nassuiaatit piumasaqaatillu. Malitassat marluk taakku akornanni ataatsimoortitsinermi malitassat immikkut ittut “Ungasianiit atuisunut malitassat”-nit salliutinneqassapput”.

2. Kikkut malitassani immikkut ittuni pineqarpat

Ungasianiit atuisuunermut malitassani immikkut ittuni pineqartunut ilaatinneqassagaanni, allattuivimmi Ineqarnermut Attaveqarnermullu Pisortaqarfimmit ingerlanneqartumi aqunneqartumilu allassimanissaq piumasarineqarpoq. Allattuivimmi tassani Aalisarnermut, Piniarnermut Nunalerinermullu Pisortaqarfiup Kalaallit Nunaanni nunaateqarfiit pillugit naatsorsuutit: “Kalaallit Nunaanni nunaateqarfiit” pisortatigoortut aallaavigineqarput.

Malitassani immikkut ittuni pineqartunut ilaatinneqassagaanni, piumasaqaatit uku naammassineqarsimasussaapput:

1. Nunaateqarfik Aalisarnermut, Piniarnermut Nunalerinermullu Pisortaqarfiup allattuiffiani: “Kalaallit Nunaanni nunaateqarfiit” nalunaarsorsimasussaavoq, tassungalugu tunngatillugu nunaateqarfiup nalunaarsorneqarneranut normoqassalluni.
2. Nunaateqarfik ukioq kaajallallugu najugaqarfigineqartussaavoq.
3. Nunaateqarfik pisortat nalunaarasuartaateqarnermi attaveqaataanut atassusigaareersimassanngilaq.

3. Kiffartuussinerit malitassani immikkut ittuni ukunani ilaasut

Atuisunngornermi sullitaq atuisuunermut malitassat uku naapertorlugit kiffartuussinernik ukuninnga neqeroorfigineqassaaq:

1. Oqarasuaammut attaveqaasiinermi Kalaallit Nunaanni oqarasuaatinut normut akornanni oqarasuaatip normuanik ikkussineq.¹
2. Internettimut attaveqaammik minnerpaamik 128/128 kbit/s-imek sukkassusilimmik attaviliineq.

¹ TELE-p normup nuunneqarsinnaanera neqeroortigisinnaanngilaa. Tassalu sullitap nunaateqarfimmiit nunaqarfimmut imaluunniit illoqarfimmut nuunnermini oqarasuaatip normua nassarsinnaanngilaa. Taamatut pisoqassappat, sullitaq nutaamik oqarasuaatip normuanik pisariaqassaaq.

Nunaateqarfiit attavilerneqartut tamarmik attaveqaatinut ataatsinut ikkunneqassapput. Attaveqaatit TELE-p VSAT HUB-ianit, Copenhagen Teleport-imi inissisimasumit nakkutigineqarput, tassannaanniillu Internettimut taamatullu oqarasuaammut attaviliinerit isumagineqartarput. Attaveqaatit taakku atorlugit oqarasuaatikkut ataatsikkut oqaluussinerit annerpaamik 15-it imaluunniit VSAT-imik atuisut akornanni ataatsikkut oqaluussinerit arfineq pingasut naatsorsuutigineqarput.

4. Sullitamut piunasaqaatit

TELE-p attaveqaateqarfiata pioreersup avataani immikkut ittumik aaqqiissuteqarnissaq matumani pineqarmat, tamatuma saniatigut sullitaq atuisunngussaguni naammassisassaatur ikkussukkat teknikkimut tunngasortaanut arlalinnut piunasaqaateqarfigineqarpoq.

Piunasaqaatit taakku ukuupput:

1. Sullitaq nunaminertamik nunaaneqarfimmi nalunaarasuartaateqarnermi teknikkikkut atortulersuutit inissiffissaannik atugassiissaaq, aammalu nunaminertat taakku inissisimaffianni nalunaarasuartaateqarnermi teknikkikkut atortulersuutinik inissiffissanut naleqqunnerpaanut TELE-p innersuussutai malinneqassapput.
2. TELE-p pisut ilaanni nalunaarasuartaateqarnermi teknikkikkut atortulersuutinik sullitap illuutaasa silataanni ikkussisariaqarnissaa sullitap akuerissavaa, aammalu atortut taakku inissinneqarnerini TELE-p nalunaarasuartaateqarnermi teknikkikkut atortulersuutinik inissiffissanut naleqqunnerpaanut TELE-p innersuussutai malinneqassapput. Taamatuttaaq TELE silami atortut ikkussuunneqarfianniit illup iluani nalunaarasuartaateqarnermi atortut ikkussuunneqarfiannut kabeliisussaavoq.
3. Sullitap nalunaarasuartaateqarnermi teknikkikkut atortulersuutit eqqaanni nunaminertaq atussanngilaa, taamaalillunilu nalunaarasuartaateqarnermi attaveqaqatigiinneq qamutit assakaasullit, atortut imaluunniit sanaartukkat nutaat il.il. antenninut parabolinilluunniit assiisussanit unittoortinneqassanngilaa.
4. Sullitaq innaallagissamik atugassiissaaq, innaallagiarlu nalunaarasuartaateqarnermi teknikkikkut atortulersuutinut innaallagissamik pilersuisuussaaq.
5. Sullitaq TELE-p atortulersuutaasa innaallagissersorneqarnerinut aningaasartuutinut taarsiiffigineqassanngilaa. Innaallagiat pisariaqartinneqartoq annertussusissaanut nalunaarasuartaateqarnermi teknikkikkut aaqqiissutissap qanoq ittuunera apeqqutaalluni allanngorartuusarpoq. TELE-p pisuni ataasiakkaani pisariaqartitsineq aalajangersartassavaa.
6. Sullitaq inimik, kiassusia 0 – 40 grader celsiusinik niqueqarsinnaasumik panertumik, TELE-p nalunaarasuartaatitigut teknikkikkut atortulersuutinik ikkussuivigisinnaasaanik innersussissaaq.
7. TELE-p atortuisa sullitallu nammineerluni atortuisa katersuuffiat (NTP) nalunaarasuartaatitigut teknikkikkut atortulersuutit matuma siuliani taaneqartut qanitaaniissaaq. Tassalu NTP-miit sullitap atortuinut (soorlu telefoni imaluunniit PC) kabelit sullitap nammineerluni ikkussuutissavai.
8. Sullitap TELE-p nalunaarasuartaateqarnermi atortui allanngortissinnaanngilai imaluunniit nalunaarasuartaateqarnermi teknikkikkut siunertaasup saniatigut allanut atorsinnaanagu.
9. TELE-p pigisaasa paaqqutarineqarnissaat sullitap isumannaassavaa, tassanilu pineqarput, kisiannili killiligaanatik: atortut elektroniskiusut, kabelit ikkussukkat², antennisit, qaammataasatigut attaveqaqatigiinnermut atortut il.il. Tamanna kabelit

² Silami kabelit ruujorinik katititassat kabelilluunniit aqquaat allat atornagit ikkussuunneqassapput.

avataasigut ungalulersuinikkut pisinnaavoq, taamaalilluni uumasut, qamutit assakaasullit assigisaallu TELE-p pigisaannut ajoqusiisinnaajunnaarsinneqassammata.

Siuliani taaneqartut atugassiissutigineqarsinnaanngippata, TELE atuisuunermut isumaqatigiissummik naammassinninnissani pisussaaffigissanngilaa, aammalu atuisuunermut isumaqatigiissut erniinnaartumik atuutilersumik atorunnaarsissinnaallugu. Taamatut pisoqartillugu sullitaq sukkulluunniit taarsiiffigineqarnissamut pisinnaatitaanngilaaq, tassalu atuisuunermut akiliut taarserneqarsinnaanngilaaq appartinneqarsinnaananiluunniit.

Piumasaqaatit nalinginnaanerusut taakku saniatigut antennit qaammataasanullu parabolit apummik asserneqartartussaanerit sullitap eqqumaffigissavaa. Pingaartumik aput aattulertillugu parabolip puugutaasartaa imermik immersinnaavoq. Tamanna parabolip pisinnaasaanik annertuumik appartitsisussaavoq, taamaattumillu sullitap nammineerluni parabolit sanigutit qituttut atorlugit salittassavaa.

5. TELE-mut piumasaqaatit

TELE-p atuisunngortoqarnerani erngerluni attaviliinissap isumagineqarnissaa aallartissavaa. Atuisunngornermiit qaammatip ataatsip iluani qanoq ililluni qaqugulu attaviliisoqarnissaanut pilersaarummik piariigaqartoqartarnissaa TELE-p siunertaraa.

6. Ajoqutinik nalunaaruteqartarneq iluarsisarnerlu

Sullitap TELE-p atortuinik ajortittoqartoq malugiguniuk, ajoqusertoq TELE-p suleriaasia malillugu TELE-mut nalunaarutigissavaa. TELE-p sullitanut saaffiginnittarfianut saaffiginnittoqassaaq, uunga: telefon 808080, fej1@tele.gl imaluunniit TELE A/S, Att. Sullitap saaffiginnittarfiat, P.O. Boks 1002, 3900 Nuuk.

TELE-p ajoqutinik nalunaarut tiguguniuk, ajoqutinik iluarsisinnaajumalluni misissuinerit aallartissavai.

Ajoqutinik iluarsiinissaq TELE-p qitiusumik suliassa qarfiata iluani pisinnaappat, ajoqutinik iluarsiiarnermi TELE-p tamatumunnga suleriaasia nalinginnaasoq malinneqassaaq.

Iluarsiiarnermi nunaateqarfimmut TELE-miit takkuttoqarnissaa pisariaqarpat, tamanna TELE-p ajoqutinik iluarsaassisarnermini tulleriaarisarnera malillugu pissaaq. Tassalu TELE-miit montørinik najukkamiittoqartillugu ajoqutinik iluarsiinissaq pissaaq.

Sullississut innaallagissap qaminneranik atorunnaarsimappat, TELE-p pigisaanik sumiginnaasoqarsimassaaq, imaluunniit pissutsit allat, TELE-p atortuinut ilaasutut taaneqarsinnaanngitsut TELE-mit sularineqarnerinut atatillugu sullitaq aningaasartuutinik tamanik akiliisussaa voq.

TELE-p sullitami atortuinik misissuinermini sumiginnaaneq TELE-p pigisaata ajoquserneranut pissutaasoq takusinnaaguniuk, aammalu sullitaq tamanna iluarsiiarlugu iliuuseqanngiinnarpat, TELE-p sullississummik pilersuunermut pisussaaffia atorunnaassaaq. tamatumaniissaaq ungasianiit atuisunut piumasaqaatit nalinginnaasut, § 21 Taarsiisussaatitaaneq innersuussutigineqarpoq.

7. Akigititat akillu

TELE atuisunut isumaqatigiissut naapertorlugu sullissinermut akigititassanik aalajangersaasarpoq. Akigititassanik aalajangersaasarneq akigititassanullu

tungavilersuisarnej tamanna pillugu maleruagassat naapertorlugit Naalakkersuisunit akuerisaapput. TELE attaveqaasiinermut, atuisuunermut atukkanullu akitsuutininik akiliisitsisarpoq. Tamatuma saniatigut TELE atortut atornerinut, kiffartuussissutit nalinginnaasut saniatigut kiffartuussinernut, atortunut ataasiaannartumillu sullissinernut il.il. akitsuutininik aalajangersimasunik akiliisitsisinnaavoq. Akigititat akitsuutillu sukkulluunniit atuuttut pillugit paasissutissat TELE-mut saaffiginnikkut pissarsiarineqarsinnaapput aammalu www.tele.gl alakkarlugu takuneqarsinnaallutik.